

南方政府公報

第一輯

南方政府公報

第一輯

中華民國八年十一月廿二號 星期六 修字第一百二十六號

軍政府公報

軍政府總務廳印鑄科發行

目錄

(頁數)

命令

中華民國八年十一月十八日軍政府命令

(第五頁)

中華民國八年十一月十七日代行國務院職權攝行人總統職務中

(第七頁)

民國軍政府指令

中華民國八年十一月十九日軍政府指令

(第八頁)

公電

廣東軍政府不宜改組并望粵總統無存退志電

(第九頁)

劉督軍陳世對於軍府改組問題請一致主張維持現狀電

(第十一頁)

粵籍國會議員孔昭展等請迅令警廳將學生立行釋放電

(第十二頁)

趙軍長又新等致謝弔輓川南陸軍墓地祭典電

(第十二頁)

魏督務處長邦平報告將壓擾先施公司學生張殿邦等發揚懲戒電

(第十三頁)

廣督軍克武望兩院主張即日制憲電

(第十四頁)

廣東省議會議員黃佩基等請迅飭警廳立將學生提釋并將馬旋德歐

(第十五頁)

變及行兇警察等拘送法庭按律治罪電

三水學生聯合會以舊案擅捕學生無予撤辦電

(第十六頁)

政務會議復陳省長炯明盧初璜准予恢復公權電

(第十六頁)

政務會議復粵籍國會議員孔昭辰等學生被逮案已咨行廣東督軍查

(第十六頁)

明辦理電

政務會議復廣東省議會議員黃佩荃等學生被逮案業經咨行廣東督

(第十六頁)

軍查明辦理電

公文

陸軍部陳核廣東督軍請獎護國第六軍總司令部出力人員陳弼堯等

(第十七頁)

一案擬請分別給章文

陸軍部陳核授閩浙軍總司令呂公望呈保所部趙漢江等授官給章案

(第十九頁)

應予照准文

司法部咨陳四川高番縣縣長唐宗堯呈請荐任各廳庭推事陳現等一

(第二十頁)

案業經遵令造送履歷前來應請分別任命文

司法部咨陳大理院庭長代理院務重濟時請續假一月文

(第廿一頁)

軍政府咨廣東督軍程先施公司滋事實情妥為處理文

(第廿一頁)

軍政府咨陸軍部核議廣東督軍電保惠州綏靖處總辦兼護國第六軍

(第廿二頁)

總司令劉達慶剿匪有功准予晉授陸軍中將一案文

司法部令廣東高等檢察廳據呈復張孝卿請求再審一案文

(第廿五頁)

司法部令四川高等審判廳據呈送各廳庭推事陳琨等履歷業經陳請

(第廿五頁)

政務會議正式任命至傅春宜等四員應俟分廳改組完竣再行呈部

咨請文

司法部令湖南高等檢察廳據呈轉請修正任用管獄員暫行章程第二

(第廿六頁)

條准如所請辦理文

司法部令湖南高等審判廳據呈更正九月份刑事案件進行期間表准

(第廿七頁)

備案文

司法部復童代理大理院長濟時所請續假一月業已轉陳政務會議函

(第廿七頁)

批 示

軍政府批

(第三十九頁)

司法部批 民字第一百八十三號

(第卅一頁)

司法部批 刑字第二百一十號

(第卅一頁)

司法部批 刑字第二百一十一號

司法部批 刑字第二百一十二號

附錄

交通部啓事

財政部啓事

司法部啓事

大理院
總檢察廳 啓事

管理特種財產事務局 啓事

印鑄科啓事

本報啓事一

本報啓事二

本報啓事三

告白簡章

廣告

(第三十三頁)

(第三十三頁)

(第三十三頁)

(第三十三頁)

(第三十三頁)

(第三十四頁)

(第三十四頁)

(第三十四頁)

(第三十四頁)

(第三十四頁)

命令

軍政府令

陸軍部長莫榮新陳請授張子固雷振東爲陸軍步兵中校改銘爲陸軍騎兵中校明士仲楊毓靈楊芝陳紹虞李惟珩爲陸軍步兵少校梁齊爲陸軍砲兵少校陳學顯爲陸軍工兵少校均照准此令



中華民國八年十一月十八日

軍政府令

陸軍部長莫榮新陳請改授葉度朱英宜正夢爲陸軍步兵少校應照准此令



中華民國八年十一月十八日

軍政府公報 命令 十一月廿二日 修字第一百二十六號 (六)

軍政府令

陸軍部長莫榮新陳請授趙漢江爲陸軍三等軍醫正並加陸軍二等軍醫正銜應照准此令



中華民國八年十一月十八日

軍政府令

龍榮軒晉給五等文虎章此令



中華民國八年十一月十八日

代行國務院職權攝行大總統職務中華民國軍政府指令第一八號

令陸軍部長莫榮新

陳核廣東督軍請將護國第六軍總司令劉達慶呈保所部出力人員酌予獎叙由
陳悉陳弼堯着給予七等文虎章黃公漢着給予陸軍二等獎章此令

軍政
府印

中華民國八年十一月十七日

代行國務院職權攝行大總統職務中華民國軍政府指令第一九〇號

令陸軍部長莫榮新

陳核援閩浙軍總司令呂公望呈保所部官佐請予分別獎叙由
陳悉趙漢江已有令明發錢秉鈞着授為陸軍三等軍醫黃蘇着給予六等文虎章此令

軍政
府印

中華民國八年十一月十七日

軍政府公報

命令

十一月廿二日

修字第一百二十六號

一九二一

軍政府指令第一九一號

令廣東全省警務處長兼省會警察廳長魏邦平

代電一件爲學生滋擾及軍官何子奇通電醜詆禁止糾正乞訓示由
代電悉查此案前據該處長飛足報告又據公立法政各學校全體學生及粵籍國會議員孔昭辰等分
請究辦前來經彙案咨行廣東督軍查明實情妥爲處理在案一經澈究是非自明該處長靜候核辦可
也此令

中華民國八年十一月十九日

公電

熊督軍克武請軍府不宜改組并望岑總裁無存退志電

萬火急廣州軍政府岑總裁伍總裁林總裁各部及各代表參議院衆議院莫督軍李督辦上海孫總裁唐總代表雲南唐總裁武鳴陸總裁南寧譚督軍李省長柳州譚督軍趙總司令貴陽劉督軍漳州陳省長詔安方會辦辰州田張胡林各總司令叙浦周總司令夔州黎總司令王總司令柏總指揮成都抄送監慰問使楊省長均鑒軍府不宜改組前電已詳言之昨奉公廿一電語極痛切不忍卒讀正擬再電陳詞冀收同聲相應之效忽後奉雲老感電竟以異說朋興思且潔身引退巨浪驚濤之來使人神魂震駭夫大敵當前而主帥遙避全局未寧而中樞搖動言念前途焉識死所雲老崇德碩望舉國同欽此次戮力護法領袖羣賢鑄應萬方宅心良苦七省義師方倚爲長城北廷賣國神奸久已側目嫉視而莫敢報怨乃國會諸公必欲於此時指摘而擊去也武誠大惑不解也果必尋隙蹈瑕媒孽其短則古今中外安有完人況披荆棘建軍府制度草創自百官有司至于介冑荷戈之士或堪要區或崛起行陳皆非素相統攝命令或有不行而次疑定策咨詢志周原求妥協輿情自必遷延時日如是而猶不蒙曲諒動輒見尤將雖肯以不韋之身排百難而府衆詬傳不云乎欲加之無同患無辭不問事之成敗而寄責於人究於國家奚益也豈惟無益且有害克武僻處西陲耳目閉塞然以愚慮所及果令軍府改組

雲老去位日暮之間必生危險約而言之益有三焉零陵一呼七省響應國會議員開議於廣州數十萬義師疾戰於郊野其他雲合景附者不可勝計處境各殊見地日別惟皆以誠信相孚精神相喻趨向相契情感相融故能相勸相讓相諒相安休戚關心而利害與共假如昨端疑啓猜忌滋多羣疑滿腹衆志靡敗雖有賢者將何以善其後加之北廷間諜散布流言陰謀煽動護法之人自此各懷危懼不待北軍之壓境而西南已分崩離析矣其爲危險一也凡動力之以權位而團結者亦必至於權位不可必得而後始渙散焉如最近之直皖之爭其初固起於段馮之莫能下然亦實有人見吾統帥堅持數歲慮其權位之不克保而逐密使通動於西南而卒之不敢明目張膽來襲義舉者又以見西南內部猶未統一未可恃以成功也假令西南分離益甚內部情實暴露無遺則凡通動於我者皆絕我而後協以謀我權位誘之于前我更驅之於後直皖二系之棄近嫌修舊好斯其時矣其爲危險二也自頃以來北廷罪惡昭著偕亡之嘆充盈國中流之士夫暨夫農工商人咸曉然于西南師出之有名日夜禱祝其必勝即在昔反對黨派舉欣欣然鸞鳳慕義樂爲誦贊旌旆所指輿論從之蓋自辛亥丙辰後未有若今日之盛也假以不忍小忿激成內訌芸芸之能將謂我輩護法其名逐利其實南與北同是一邱之貉而並棄之民心難得而易失書曰怨在明不見是圖見而圖之將何及矣其爲危險三也此三危者事勢之所必至庸俗之所共喻非敢張皇其詞藉以變動觀聽也南北兩軍相持日亟勝負之數尙不可知萬一激戰而惟觀內部之醞結爲何如醞結則勝結解則負無可幸逃析雲龍之團合北系正見及此豈以我義軍之

賢明所見反出新之下耶傳即列強要約於中國未結一前不借歐橫暴如日本亦以拘束顧忌不敢獨持資北廷軍費方苦無着我輩共矢素志勒修戰備即令北系團合扼之可使坐困所注意者我或自絕而見棄於友邦固爲北廷造成借款之機會耳然既已自絕且暮之間危險立見又奚必待列強之助餉北廷而後可以注意乎西南偏安之局暴尸喋血而暫定之豈忍拚作一擲不獨西南將民國存亡國民生死問題爭茲一若稍或差異則我輩躬與其事者必至外多清議內疚神明此身之不識死所更無論矣風雨同舟當共努力即有懷疑徐容商議克武誠願雲老勉爲其難無存退志并望諸公一致挽留莫安危局至於軍府改組之議尤望國會諸公審慎言有盡而意無窮惟冀鑒其愚款俯予採納則厚幸矣隨電不勝悲痛熊克武叩歌印(十一月五日)

劉督軍顯世對於軍府改組問題請一致主張維持現狀電

急廣州軍政府岑總裁伍總裁林總裁各部長各代表莫督軍李督辦上海唐總代表孫總裁武鳴陸總裁雲南唐總裁南甯譚督軍李省長郴州譚督軍趙總司令成都熊督軍楊省長夔州黎總司令王總司令漳州陳省長廣州呂督辦詔安方會辦貴陽王總司令辰州分送田張蕭林胡各總司令淑浦周總司令均鑒唐總裁卅一電悉念自護法軍興幾經締造險阻艱難始有今日岑總裁遣大投艱深謀默運勸猷事一薄海共知倫軍府內部尙有商榷之處惟有協力和衷徐容整理即國會建議改組以致岑總裁近嫌引退際此和局再梗大敵當前一旦因此動搖大局適中北廷之計瞻望前途隱憂靡已此間昨已

軍電挽留西林務懇諸公一致主張維持現狀切勸西林毋存退志以安大局實所切禱嗣報世青印
(十一月九日)

粵籍國會議員孔昭晨等請迅令警廳將學生立行釋放電

謹法政府各總裁鈞鑒本月八日各校學生因追悼同學後列隊巡行路經先施公司有人高呼抵制劣貨而警察竟施用武力致學生受傷者十餘人甚至前往救傷之看護婦亦毆傷二人執警政者倘能設法調停尚可和平了結乃不爲此計忽將學生二百餘人關閉該公司內循至翌早聞警務處長魏邦平復加派巡警大隊全上刺刀勢如臨敵馳往該公司將學生等拘捕十餘人返廳留押雖親友探問均被禁止衣服食物亦不許送進似此濫用職權摧殘學類民憤沸騰勢恐激成大變因特聯懇迅令該處長即將學生立行釋放並將該長查辦不勝待命之至粵籍國會議員孔昭晨蘇佑慈王釜王鳴龍劉正芬楊夢弼李炳焜何銓譚李清源謝環村李英銓謝英伯李洪翰林伯和青(十一月九日)

趙軍長又新等致謝弔輓川南陸軍墓地祭典電

廣州軍政府政務會議各總裁各部長國會議員諸君鑒川南陸軍墓地告竣訂於陰歷重九行大祭禮並開各界運動大會前曾通電在案猥蒙諸公鑄以詠章輓聯並派代表與祭是日數萬軍民歡欣鼓舞共吊國魂從此南北陣亡將士忠魂有所憑依生願死守咸深感激特電申謝用誌弗忘趙又新顧品珍

魏警務處長邦平報告將騷擾先施公司學生張殿邦等發場

懲戒電

軍政府督軍省長鈞鑒本月 日下午三點餘鐘有學生約百餘人闖入長堤先施公司警察制止不聽入舖後將該公司夥伴二人執京綢綁先以硃砂繼以胡椒末廳間嚴加派洋警隊馳往彈壓該學生等竟羣向隊醫料雜亂撲撞隊警方與理論乃竟恃衆圍毆搶去長槍一枝曲尺手槍一枝依然羣聚不散第六區分署長將先施公司被綁夥伴馬旋德歐堯二人設法帶出解送來廳驗得馬旋德背部內部受傷衣服擦爛歐堯背部頭部左額角受傷據馬旋德稱被掠去銀一元六角金戒指一隻重二錢餘歐堯稱被掠去銀二元等語并查尙有學生及隊警亦有數人受伤在先施公司舖內當再派員前往先將受傷者送往醫院并向學生取回搶去槍枝一面查明爲首搶槍之人以備分別懲戒詎該學生等人雙言鹿聚長嘯喊不准將傷者帶出又不肯交出槍枝且擅取公司餅干酒水罐頭等物大飲大嚼或任意加以毀壞通霄達旦尙不肯休其最橫暴者竟敢隊長嚴威團毆後復用繩綑於公司帆布馬椅上又將隊警嚴秀山團毆後擁至公司後面用繩綑在椅上均至九日早大隊到公司時始行解脫似此種種舉動均屬有意搗亂本廳職責所在豈能終與姑容迫於九日早令飭隊警將前曾滋有案及最爲囂張鼓譟之公立醫學校學生張殿邦嶺海學校生陳衍松鄧錕潘寶泰黃仲河關榮袁廣州法政生胡朝棟